

Шочмо эл, порылык да чын верч!

Будь готов!

1-ше (3545) №,  
2022 ий 7 январь,  
кугарня.

# Имде лий



1933 ий 1 февраль годсек лектеш.

0+



Толын вучымо у ий!

Марий  
ёлкым QR-  
код полшымо  
дене ончен  
кертыда.



Иўштö кугыза ден Лум-  
ўдыр, чоя Рывыж ден  
сур Пире да шуко моло  
янлык М.Шкетан лүмеш  
Марий национальный драме  
театрыште эртаралтше «У ий  
куан» пайремым сора-  
стареныт. Тудым Респуб-  
ликысе марий тўвыра рўдер  
эртарен. Марий ёлкыш  
республикын түрлө  
районыштыжо,  
олаштыже  
ишыше да

конкурслаште чолгалыкым  
ончыктышо, тунеммаште да  
мер илышыште ойырте-  
малтше ўдыр-рвезе-  
влак погыненыт. Иоча-  
шамыч «Кум ака-  
шўжар» спектакльым  
онченит. Тылеч вара  
пайрем шўлыш утыр  
ылыжын. Весела  
марий муро почеш  
йоча-влак у-ух кузе  
мурен-куштеныт.  
Теве Звенигово район  
Кужмара школын  
2-4-ше клас-  
слаштыже тунемше  
ўдыр-рвезе-  
влак марий Тигрым

ужынытат, пеш  
йывыртеныт.  
Тыгай костю-  
мым Йошкар-  
Оласе 2-шо  
номеран школын  
тунемшыже  
Эвелина Антропова  
ыштен. Нуным  
снимкыште  
ужыда. У ий  
пайрем вашеш  
увертарыме  
конкурслам  
марий ёлкыш-  
то иктешленыт.  
Сенгыше-  
влак нерген  
4-5-ше лаштык-  
лаште лудса.

Е.ИВАНОВАН фотожо.





## У йӧн сенымашым конден

Шочмо (тыгак руш) йылмым туныктышо-влакын всероссийский мастер-классыштын очный йыжынже Москошто эртаралтын. Тушко 40 туныктышо ушнен. Марий Элын чапшым 2-шо номеран Морко школышто марий йылмым туныктышо **Н.А.ГОЛУБКИНА (снимкыште)** арален да «Учитель-новатор» тагасыште сенгышыш лектын.

– *Мый конкурсышко «Кундемшытем шошо» теме дене урокым, «Школ илыш» модульым, курчакым ыштыве нерген мастер-классым колтенам. Урокышто мужыр дене пашам ыштыве, проблемым шынден туныктым, модуль, модыш йӧн-влакым кучылтынам. Шкем нерген баннерым ямдыленам. Калык вургемым аралымаште шымакш дене палдаренам,* – ойла Надежда Александровна.




**Х.АЛЕКСАНДРОВА.**

Фотом еш архив гыч налме.

*Саламлена!*

**Морко район  
Коркатово лицейште марий йылмым  
да литературым туныктышо  
Н.В.Аркадьевалан  
6 январьыште  
50 ий темын.**



**Нина Вениаминовна,** шочмо кечыда дене шокшын саламлена! Тумо гай таза, висвис пеледыш гай мотор лийза. Пашаште пагалымашым да лектышым тыланена. Тунемшыда-влакын сенымашышт шӱм-чондам кече семын ырыктышт. «Ямде лий» газет редакцийын коллективше.

Марий Эл Республикым Вуйлатыше А.А.Евстифеев «Ёлка желаний» всероссийский акцияш ушнен. Изинек эмганен кушшо кум йочан шонымашыжым шуктен. У Торъял посёлко гыч **Кирилл Пушкинлан** ноутбукым, **Шернур район Полдыран ял гыч Эвелина Милутиналан** планшетым, **Йошкар-Ола гыч Дима Стрельниковлан** электрон книгама полеклен.



## Марий Элысе увер

8-11-ше класслаште тунемше-влак, лудмо книга почеш **буктрейлерым** (видеороликым) войзен, республикысе конкурсышто усталыкдам тергыза. Паша-влакым **konf\_mosi@mail.ru** адрес дене электрон почтыш **28 февраль марте** колтыза.

9-11-ше класслаште тунемше-влаклан **марий йылме, литератур да ИКН дене республикысе олимпиаде 21 январьыште** лиеш. Тушто районысо йыжыгыште сенгыше-влак тагасаш тӱнгалыт.

3-шо номеран Медведово школын кадетше-влак **«Образование. Наука. Профессия»** всероссийский конференцияштыште да Кадет-влакын телымсе всероссийский сборыштышт уш-акылыштым тергеныт. Ик команде 2-шо верыш лектын, весе «За волю к победе» кубок дене палемдаптын.



Республикысе марий тӱвыра рӱдерын эртарыме «У ий куан» пайремыш логалаш мыланна кугу куан лийын. Йоча-влак тӱрлӧ конкурсышто мастарлыкыштым тергеныт. Теве Кристина Матикова, Иван Кудрявцев да Анастасия Алембаева **(снимкыште)** пашашт дене ойыртмалтыныт да сенгыше радамыш логалыныт.

**Л.Г.ИСАЕВА,**  
туныктышо.  
**Советский, Кужмарий.**

Фотом школ архив гыч налме.



## Чулым кушкына

Сенгымаш

«Роза ветров» йоча да самырык-влак рүдер «Развивайся с нами» республикысе конкурсым онлайн эртарен. Тыгай танасымаш патыр, лүддымө, чулым лияш туныкта. Конкурсышто мыят вий-куатем тергенам. Ме кандырам маркироватленна, икымше полышым пуэнна, туризм кылдыш-влакым кылденна, презентацийым ямдыленна. Конкурсым иктешлымеке раше-мын: шке ийготан рвезе-влак коклаште икымше верыш лектынам. Туныктышем Л.Н.Семеновалан кугу таум ойлем.

Максим ИВАНОВ.  
Марий Турек, Арбор.

## Президент лиям ыле гын...

Ийготыш шудымо-влаклан Морко посёлкысо социал реабилитаций рүдерын воспитанникше Леонид АНДРЕЕВ (снимкыште) «Если бы я был Президентом» всероссийский конкурсын «Видеопроект» танасыштыже мастарлыкшым ончыктен. Рвезын марла саламлалтмыже жюри ег-влакым öрыктарен. Лёня проектыштыже ял-влакым виангыме йодышым тарватен. Марий Эл, марий калыкын поянлыкше дене палдарен. Уста рвезын проектше ойыртемалтын да диплом дене палемдалтын.



Н.В.НИКИТИНА.  
Фотом рүдерын архивше гыч налме.

## Чеверын, Науко да технологий идалык



Тиде идалыклан пöлеклалтше ятыр материалым «Ямде лий» газетыште савыктыме. Айста тўткылыкдам терген ончена.

Тест

### 1. Могай рүдер нерген возымо?

- А) «Технологии будущего». В) «Матур» школ.  
Б) «Инфознайка». Г) Медведево район Руэм школ пеленысе кружок.

### 2. Мультфильмым «кўктымö» нерген статьям кунам савыктыме?

- А) 20 август. В) 27 март.  
Б) 4 июнь. Г) 26 ноябрь.

### 3. «Мыйын элем – мыйын Россия» всероссийский конкурсышто Марий Эл гыч сенгышыш кöмыт лектыныт?

- А) Дима Кулаков. В) Максим Медведев.  
Б) Иван Немихин. Г) Екатерина Кожевникова.



Тимур БЕЛЯКОВЫН сўретше.  
Волжский, Пöтьял.

Россий

Президент  
В.В.Путин 2022

ийым Российысе

калык-влакын матери-  
альный огыл тўвыра  
поянлыкышт да калык  
сымыктыш  
идалык  
семян  
увертарен.

Йоча-влак, тўвыра поян-  
лыкклан мом шотледа?

Тўрлö йöннм кучылтын, кундемысе  
йўлада дене палдарыза. Паша-вла-  
кым редакцийышке 1 апрель марте  
колтыза. Сенгышылан – пöлек!

Конкурс

## Лектышан идалык


Мый 4-ше классыште тунемам. 2021 ий мылам лектышан идалык лийын. Республикыште эртаралтше Ломоносов лудмаште, «Восхождений» шанче конференцийыште вием тергенам, сенгымашыш шуынам. «Ямде лий» газетыш чолган возкалымемлан юнкор лўмым сулен налынам. Тиде мыланем моткоч кугу куан да ончыкыжымат кылым кучаш таратыше кумыл. Йоча-влак, теат пырляшке ушныза.

Аня ВИНОГорова.  
Звенигово, 2-шо №-ан  
Красногорский школ.

У ий толын. Лум лумеш.  
Чылт йомакышке ўжеш.  
Ме пайремым вученна,  
Кож йыр пöрдын муренна.  
Степан ВЛАДИМИРОВ.  
1-ше №-ан Морко школ.

У ий пайремлан суртнам  
авам дене мотор кож, гир-  
лянде, мишура дене сöраста-  
ренна. Йыли-йули веле вол-  
галтеш. Мандарин пуш пöрт  
мучко шарлен. Йўштö коча  
пöлекым конден. Йомакыште  
илымыла чучеш.

Данил ГРОМОВ.  
Медведево, Куяр.



Фотом еш архив гыч налме.





таш лиеш, – оила Настя.

Настян тыршымыже арам лийын огыл. «У ий чиём» номинацийыште 6-9 ияш-влак коклаште икымше верым сенген налын.

**Е.ИВАНОВА.**  
Авторын фотожо.

## Кож воктене – Йошкар упш

Марий тўр дене сорастарыме йошкар упшан, мотор корзинган ўдыр марий ёлкышто вигак шинчашке логалын. Тиде Настя Рябинина (**снимкыште**). Тудо Советский район Ўрша школ пеленысе йочасадыш кош-теш, йомакым моткоч йората. У ийлан аваже деч Йошкар упшын костюмжым ургаш йодын, а корзингам шке ышташ полшен.

– Мый кампетке кагазым погем. Тушеч шуко арверым кельштараш лиеш. Ончалза теке мози́гам. Тўрлө тўсан кагаз могой мотор сыным пур-тен, а көргышкы-жө шере кочкышымыныш –

10-12 ияш-влак  
коклаште I-ше  
верыш **Валерия Шуталева** (Кужэгер, Коңганур) лектын.  
Волжск оласе лицей гыч **Валерия Кузьмина** 13-15 ияш-влак коклаште сеныше лийын.

## Йомак гыч – унала

Тўвыра пёртышто У ийым вашлийна. Мемнан дек йомакысе Модышвуй, Меран, Йўшто кугыза ден Лумўдыр унала толыч. Ме нунын дене пырля мурышна, куштышна, тўрлө онай модыш дене модна. Йоча-влак мастарлыкштым ончыктышт: икте почеламутым сылнын каласкалыш, весе мурым йонгалтарыш. Йўшто кугыза кажнылан пөлекым кучыктыш.

**Илья АНДРЕЕВ.**  
Кужэгер, Шўдымарий.

### Саламлена!

**Марий Эл Республикын калык поэтше А.Т.ТИМИРКАЕВ**  
2 январьыште 70 ияш лўмгечыжым палемден.



Пагалыме **Анатолий Тимиршинович!**

Шочмо кечыда дене шокшын саламлена. Пенгыде тазалыкым, шўм-чон ласкалыкым, кужу ўмырым тылана. Лудшо-влакым сылнымут пашада-шамыч дене эреак куандарыза.

«Ямде лий» газет редакцийын пашаенже-влак.

## 2022 ий – Тигр идалык

Тигр лўддымө, виан. Тудо ўскырт, но ушан.

Пенгыде койыш-шоктышан, шоны-машкыже шуаш тыршыше.

Чыным, арулыкым, порядкым йората.

Нарынче, саре, канде, күреналге-саре тўс-влак келшат.



**Ксения МИЛЯЕВАН** сўретше.  
Татарстан, Агрыз, Буймо.

## Тўн пайрем

### Йўла

Шорыкйол марий калыкын ик эн тўн пайремжылан шотлалтеш. Ожно пайремым йоча-влак тўналыныт. Нуно, тўшкан погынен, кажне суртыш пурен, «Шорыкйол! Шорыкйол! Шорыкйол!» манын кычкыренит. Суртоза ващтарешышт тыгак вашештен, пўкшым кўварыш кудалтен. Икшыве-шамыч «Кум пача! Кум пача! Кум пача!» манын погеныт. Суртоза пўкшым шагал пуэн гын, «Ик пача! Ик пача! Ик пача!» манын пёрт гыч лектын куржыныт.

Илен-толын, пайрем йўла ващталтын гынат, Шорыкйол годым яллаште Васликува, Васликугыза-влак коштыт. Ўстел сийым ямдылат, мужедыт.



## Йошкар-Олаште

У ий кож,  
эн кўш нёлталтын,  
Ленин площадым айлен.  
Йошкар шўдыржө,  
волгалтын,  
Мыйын шўргым чевертен.

## Пёрткайыкын ойгыжо

– Теле толын, чик-чирик!  
Кочкыш чўдө: пычырик!..  
Лек тўжваке, Качырий,  
Тыйын уло кечырий\*,  
Лук кормушкыш –  
чўнгена,  
Таумут ден лўнгена.


**А.ТИМИРКАЕВ.**

\*Кечырий – кечшудо.



**Марла календарь почеш 2022 ий – Гепардын идалыкше. Тудо чулымлыкым, писылыкым, сарзе кумылым, калыкын праважым аралымашым сөра.**

**Гепард** – мландымбалне эн писе сут янлык. Тудо ик шагатыште 100-120 километрым кудалын кертеш. Кудалмыже годым иканаште 6-8 метрыш төршта. Кочкыш деч посна 5-6 кече илен кертеш. Вүдым ик-кок кечылан ик гана йүэш. Йүдым мала, кечывалым сонарлаш лектеш. Шинчаже пеш пүсө. Гепард-влак икте-весеышт дене пырысла мырлен але кайыкла вычыматен «мутланат». Сут янлык пүртүсыштö 10-12 ий ила, а зоопаркыште – 17 ий.



## Тыланда – видеосаламлымаш

«У ий дене» видеосаламлымаш таңасыште сeңгыше-влакым икымше гана ойыренйт. 6-9 ияш ўдыр-рвезе-влак коклаште Советский район Кужмарий школ гыч Ваня Кудрявцев сeңгышыш лектын, 10-12 ияш-влак коклаште – Морко район Шўргыял школ гыч Ярослав Гаврилов ден Венера Кириллова (**снимкыште**), 13-15 ияш-шамыч коклаште – Шернур район Казанский школ гыч Богдан Конаков.

Ярослав ден Венера видеосаламлымашыштым QR-код полшымо дене ончаш темлена.



Е.ИВАНОВАН фотожо

### Тушто

*Лектам уремышке –  
чием,  
Пурем –  
кўсенышке пыштем.  
Кидемым тудо ырыкта  
Да йўштö дечын арала.*

### Пиалан лийже!

Мемнан суртышто У ий – эн вучымо да сылне пайрем. Авам түрлө салатым ямдылен, кугу ўстелым поген. Ял калык У ийым веселан да келшен вашлийын. Тугеже талук мучко сайын илаш тўналеш. Тек тыге лиеш!

**Тимофей НОВИКОВ.**

**Морко, Шўргыял.**

### Юзо вер

Лум велеш, велеш, велеш.  
Теле «Толынам» манеш.  
Мамык гай ош лум лумеш,  
Пўтынъ мландым леведеш.

Йоча-влак, издерым налын,  
Курыкышко пеш вашкат.  
Модын, воштыл, юарлалын,  
Лум мөчöрым пеш ненчат.

Чодырашке ончалат гын,  
Лумжо шийла йылгыжеш.  
Кöргышкö, йолташ, пурет гын,  
Юзо вер гае чучеш.

**Кира ден Максим  
ЗОСИМОВМЫТ.**



Е.ИВАНОВАН фотожо

Ильян  
серышыж  
гыч ужашым  
лудаш тем-  
лена.

«Йўштö кугызалан серыш» конкурсшко түрлө ийготан ўдыр-рвезе-влак ушненыт. Изирак ийготан-влак коклаште Софья ЯКОВЛЕВАН (Советский, Ронго) серышыже эн онгай лийын. Матвей САДОВИН (Оршанке, Кугунур) 10-12 ияш-влак коклаште ойыртемантын. Тудым снимкыште ужыда. 13-15 ияш-влак коклаште Илья МАКСИМОВ (Волжский, Пötъял) сeңгышыш лектын.

### Тыныс илыш эн шерге

Тўнямбалне илыш пеш писын вашталтеш. Кундем ден кундем коклаште кредалмаш кая, икте-весым умылдымаш озалана, шучко чер шарла. Чонлан моткоч каньысырын чучеш. Эсогыл игечыжат шўлыканеш, шортеш. Тыгай кончыш лиймылан ме, калык, шкежат титакан улына. Осаллан мучашым шукташ неле, но ўшан нигунам ок йом. Поро Йўштö кочай! Эн шергакан пöлек мылам – калыкын ваш келшымашыже да тазалыкше. Тек шучко чер мемнан деч чакна, а калык шочмо кундемшытыже тыныс илыш дене ўмыржым шуя.

### Палаш онгай

**Японийсе Сегацу-сан** У ий пöлекым огеш кондо. Тудо арня мучко пöрт еда йоча-влакым саламлен коштеш. Ўдыр-рвезе-влаклан пöлекым ача-авашт ыштат.



**Камила СЕМёНОВАН** сўретше.  
1-ше номеран Морко школ.



# 2022 ийлан йоча гороскоп

## Шорык (21.03.-20.04)

Йочалан кугу тўткышым ойырыман. Икшывым шкевуя пашам ышташ туныктыман. Шорыкын усталык шўлышым шекланенда гын, виягаш полшыман.




## Презе (21.04.-20.05)

Тений икшывыда-влак дене пырля шуқырак жапым эртарыман. Но Презылан эрыкым пуыман. Уто тўткыш лидер койыш-шоктышан йочам кушташ чаракым ышта.




## Йыгыр (21.05.-21.06)

Йыгыр ум пален налаш кумылан. Тидлан йоным ыштыман. Книгам лудаш утларак шўмангеш. Кўлеш годым ача-ава-влак полшышаш улыт. Нелылык лекмеке, ой-кагашым пуыман да умылтарыман.



## Рак (22.06.-22.07)

Рак кажне ийын огыл, кажне кечын кушкеш. Туге гынат тудын дене пырля модман. Йочалан виягашыже чаракым ыштыман огыл. Ача-ава-влак-лан йоча дене кылым муын моштыман.



## Лев (23.07.-23.08)

Лев вожылшырак да ўнгышырак. Шке тагашыже-влак коклашлат шагал мутлана. Чон почын кутыраш тунемже да йолташыже-шамыч дене пенгыде кылым ыштыже манын, иктаж-могай кружокыш але секцийыш колтыман.



## Ўдыр (24.08.-23.09)

Ўдырым уто гана вурсыман огыл. Мут дене логалтыме олмеш модыш йоным кучылтман. Иктаж-молан туныктыненда гын, пашалан пырля пижман. Шкеже пример лийман.



## Виса (24.09.-23.10)

Виса ик верыште шинчаш кумылан огыл. Тудын вийже ятыр. Виеш шып шинчыкташ ок лий. Тидын деч корангаш модыш полша. Онгай книгам пырля лудмат шўкалтышым ыштен кертеш.



## Скорпион (24.10.-22.11)

Скорпион изинек усталык шўлышан кушкеш. Ача-ава-влак-лан тидым жапыштыже шекланен шуктыман. Икшывыда сўретлаш йората, мурым мура але кушташ кумылан гын, шуко шоныде, кружокышко але сымыктыш школышко колтыман.



## Пикшызе (23.11.-21.12)

Пикшызым ончен кушты-маште ныжылге, тыматле койыш-шоктышан лийман. Тудлан эрыкым пуыман, тыгодым тўткў лийман. Ача-аван жапыштыже каласыме ой-кагашышт пайдале лиеш.



## Ирказа (22.12.-20.01)

Ирказа иктаж-могай пашалан кумыланже манын, чўчкыдынрак моқтыман. Но утыждене огыл. Моқтымо уто шомак дене шкем йоратыше, кугешныше йоча кушкын кертеш.



## Вўд йоктарыше (21.01.-20.02)

Вўд йоктарышым Ирказа семынак моқтыман. Тыге йочан усталыкше утларак палдырнаш тўналеш. Тылеч посна тудын ушакылжым вияндаш йоным муман. Ешартыш шинчымаш уто огеш лий.



## Кол (21.02.-20.03)

Тений Колын у усталыкше почылтеш: тўрлым каласкалаш тўналеш. Тудын фантазийже кугу, тўрлым шонен лукташ йората. Ала ешыштыда ончыкылык серызе кушкеш?



Ўшаным  
ида йомдаре.

Василий ЮКСЕРН.

Х.АЛЕКСАНДРОВА ямдылен.



7 январь –  
Иисус Христосын  
шочмо кечыже.

Ты кечын Рошто пайре-  
мым палемдена. Христосын  
шочмыжо дене тўня волгы-  
демын. Юмын Эрге тўням  
утарышаш, мемнам тунык-  
тышаш верч, чонжым пуэн,  
мландымбаке толын. Тудлан  
вуйнам савена.

**И.САПАЕВ** ямдылен.  
**Волжский, Сотнур.**

### Рошто печене

**Кўлыт:** 150 г  
ушкар уй, 170 г  
сакрылжаш, 170 г  
изюм, 3 муно,  
250 г ложаш, 1  
изи совла раз-  
рыхлитель, 1 изи  
совла ваниль сакры.

Ўйыш сакрылжашым,

ваниль сакрым да кум муном ешарен, миксер дене лугаш. Вара изюмым, разрыхлительым да ложашым пышташ. Руаш пентгыдырак лиеш. Формыш пыштен кўкташ.



## Келшыше тигрым ойырыза да койыш-шоктышдам, У ий деч мом вучышашым пален налза.



**1.**Тўрлө чарак да нелылык деч огыда лўд. Тений чоныштыда куан кумыл озаланаш тўнгалеш. Кугу сенгымашке шуаш манын, кыртмен пашам ыштыман.

**3.**Нелылык гыч куш-тылгын лектыда. Кечмогай паша гыч пайдам налын мош-теда. Йон пуалтеш гын, тудым мастарын кучылтса. Тендам кугу сенгымаш вуча.

шуялтеда. Тений шуко йолташым муыда.

**2.**Моторлыкым ужын моштеда. Идалык тўнгал-тыште у вургемым налы-да гын, ий мучко пиалан лийыда. У илыме верыш илаш куснен кертыда. Шкаланда у сомылым муыда.

**4.**Те тыматле койыш-шоктышан улы-да. Ег-влаклан пол-ыш кидым чўчкыдын



Лумжо лумын –  
вот куан!

Шочо кож  
моткоч виан.

**Виктория ЯШМЕТОВА.**  
**Шернур посёлко.**

### Тушто

Тудо ошо, мамык гай,  
Шийла койын  
волгалтеш.

Да манеш  
«Ай-ай, ай-ай»,  
Кидышке кунам возеш.

## Тау, кочай

Ий мучаште мыланна марий ёлкышто лияш пиал шыргыжалын. Снимкыште 2-4-ше класслаште тунемше-влакым ужыда. Эн ончыч «Кум акаш-шўжар» спектакльым онченна. М.Шкетан лўмеш Марий национальный драме театрын артистше-влак кумылнам са-

йынак нўлталыныт. Вара Йўштө кугыза да Лумўдыр дене пырля муренна, куштена. Йўштө кугыза кажне йочалан пўлекым кучыктен. Поро Йўштө кочайлан таум ойлена.

**Саша ИВАНОВ, Ксения БОГОЛЮБОВА.**  
**Морко, Коркатово.**



Фотом лицейын архивше гыч налме.

«Ямде лий» газет  
Тўн редактор  
**Л.Н.ГРИГОРЬЕВА.**  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.ru](http://yamdelii.ru)

**УЧРЕДИТЕЛЬ-ВЛАК:** Ма-  
рий Эл Республикысе  
культур, печать да калык-  
влакын пашашт шотышто  
министерстве, «Кугарня»  
газет» кугыжаныш унитар-  
ный казна предприятий.

Газетым редакцийыште по-  
гымо да верстатлыме, «Марий Эл Республикысе  
Правительствын типографийже» ООО-што ямде оригинал-  
макет гыч савыктыме. Типографийын адресше: 424000,  
Йошкар-Ола, Комсомольский урем,112.

Газетым Кыл, информационный те-  
хнологий да массовый коммуникаций  
сферым эскериме шотышто федераль-  
ный службын Юл кундем федеральный  
округысо управленийыштыже регис-  
трироватлыме.  
Номер – ПИ № ТУ52-01335,  
2021 ий 29 сентябрьыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шоныма-  
шышт тўрлө лийын кертыт. Серыш-  
влак мўнгеш огыт колталт.  
Ак – кутырен келшыме почеш.

Редакцийын да издательнын адресше:  
424006, Йошкар-Ола, СССР Вооружённый  
Вийын 70-ше идалыкше урем, 20-шо пўрт.  
Тел. 8(8362) 45-22-82(факс)



**Конкурс**

**Юзо теле да мый**



**Саша НОСОВ.**  
Морко посёлко.



**Саша ден Вова АЙМАКОВМЫТ.**  
Чукотка, Провиденский, Новое Чаплино.



**Лиза КИТКАЕВА.**  
Шернур, Кукнур.

**Сүрөтүште пингвин-влакым шотлыза. Вашмутым возыза.**




**Түс дене келыштарен чиялтыза.**



**Изи пұчылан лумьен йолташыж деке корным муаш полшыза.**



**Тушто**

**Мандариным чиялтыза.**



**Ик шырпым верже дене вашталтен, чын вашмутым ыштыза.**



*Ава эргыж деч йодеш:  
- «Ох, кия-мат» манаш тыйым кө тунуктен?  
- Ййштө кугыза.  
- Молан ондалет?  
- Ом шойышт, чынак!  
Ййдым мылам пөлекым кондымыж годым йүстел лукеш пернен да тыге ойлен.*

Тудым лум гычын ненчат, Нерлан кешырым «чиктат». Ший ведра – сур упш олмеш, Чылт айдемыла коеш.

